

la vila de Paxian de sora l'altro de campi 8 et mezo, in la vila de Fiume soto Prata	ducati	550
Boletin 1 de perle 8	»	150
Boletin 1 de perle 33	»	300
Boletin 1 de perle 4	»	330
Boletin 1 de perle 21	»	40
Boletin 1 de balasso 1 cuogolo froa in mezo	»	1500
Boletin 1 de balasso 1 ligado	»	150
Boletin 1 de Zafil 1	»	60
Boletini 20 de casse 20 de pulver de zucaro a la cassa una per boletin	»	1500
Boletini 20 de casse de zucaro a cassa una per boletin	»	1920
Boletini 4 de tavole 4 de zambeloto a tavola 1 per boletin	»	1200
Boletin 1 de ducati 1000 de Monte nuovo	»	1000
Boletin 1 de ducati 500 dil dito	»	500
Boletin 1 de ducati 300 dil dito	»	300
Boletin 1 de ducati 200 dil dito	»	200
Beletini 12 de ducati 100 l'uno dil dito Monte nuovo	»	1200
Boletini 2 de ducati 60 l'uno dil dito	»	300
Boletin 1 de ducati 80 dil dito	»	80
Boletini 5 de ducati 50 l'uno dil dito	»	250
Boletini 11 de ducati 40 l'uno dil dito	»	440
Boletini 5 de ducati 30 l'uno dil dito	»	150
Boletini 6 de ducati 25 l'uno dil dito	»	150
Boletini 10 de ducati 20 l'uno dil dito	»	200
Boletini 15 de ducati 15 l'uno dil dito	»	225
Boletini 350 de ducati 12 l'uno dil dito	»	4200
Summa Boletini 480		
Per honoranza al primo B. se ca- verà ducati 30 dil dito	»	30
Per honoranza a l'ultimo B. se caverà ducati 20 dil dito	»	20

Summa ducati 24.000

Principiado a dì Outubroio 1532.

- 24¹) *Dil Zante, di sier Matio Barbarigo prove-
ditor, di 19 Setembrio, ricevute a dì 12 Octu-
brio, manda tre deposition, le qual son queste.*
Marti 17 setembrio 1532 Zuan Maria Zeracati uno
de nostri messi mandato a Modon et Coron hozi
ritornato, referisse mercore da matina preterito es-
ser intrato in Modon, et tuto quel zorno fin vesparo

stete là et viste che Turchi fecero la mostra et po-
tevano esser in tuti da 300 in zerca, et veneron in
socorso computà da cavali 80 che veneron con el
Para flamburaro da turchi 200, che saria a suo iu-
ditio cinquecento mal in ordine, et facevano intrar
dentro vituarie, et con zingani fortificavano la tera
et impiva le botte de tera. Le galie cesaree con do-
nave et uno galion erano a Sapiaentia, et molti de
loro ussirono *cum* archibusi et tolseno uve assai et
molti animali, et questi che ritrovorono esser da
lavoro remandorono indietro, li quali dismontono
in loco dito Lambi a l'incontro de Sapiaentia contra
i qual andorno fin 30 turchi a cavallo et poi ritor-
norono impauriti. Lui testimonio el dito zorno de
mercure se parlì et andete a Coron et ha inteso da
loro turchi a Coron come sia preso Modon voler
ancor loro abandonar Coron. Dice che in Coron
portavano assai travi et legnami et fan gran guar-
dia de zorno et de note, et la zuoba a hore 3 de
zorno se partite et è venuto per tera, et sabado a
hore 3 de zorno lui messo viste le nave cesaree so-
pra el Prodano et heri sera venuto a Chiarenza in
campagna viste el chadi de Patras con 30 turchi, li
quali lui numerò; interrogato se'l haveva altro cam-
po disse non haver visti altri che'l Canari et suo fio
azonzendo che in strada molti et molti albanesi lo
dimandava di le cose di Modon, li quali aspetano
solamente sentir el trar de bombarde, et tuti anda-
rano là. Dice *etiam* che i turchi de Modon et Co-
ron tra loro dicevano le galie cesaree non aspetar
altro che la nave et poi meter là le zente in tera,
sobiongendo che heri sera manzando con el Canari
vechio el disse el signor chadi de Patras haver co-
mandato che non voleva lassar trar formenti nè
altre vituarie, perchè con quelle erano li sui inimici
subvenuti, et che abasso a Chiarenza tolseno de que-
sto locho un bove el qual tolseno dui turchi et el
dazier et descazorono tuti i navili. Mercore a dì 18
dito Atanasio Paramorati zacentino hozi zonto di
l'Arcadia referisse heri a mezo zorno esserse di
l'Arcadia partito et haver inteso da li turchi de
quel locho come luni erano zonti li dui olachi da
Modon che a l'Arcadia havevano portà una soma
de danari et dicevano che cesarei erano a Sapiaentia
et niuno non era ussito in tera, et che ogni di zon-
zeva turchi a Modon et che aspetavamo Zetal chadi
con bon soccorso, *tamen* loro non parlorono con
diti ulachi.

Die Jovis, 19 dito. Paulo Papazanopulo pa-
tron de barca zacentino, questa matina dal Choracha
zonto, qual partite da meza note preterita, referisse

(1) La carta 23^a è bianca.